

آبونه شرائطی : هر پر ایچون
سنه لکی (۴۰۰) الی ایلی
(۲۲۵) ممالک اجنبیه ایچون
سنه لکی (۴۵۰) ، آلی ایلی
(۲۵۰) غروشدور .

نسخه سی ۷,۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندن

اخطارات
آبونه بدلی پشیندر .

مسلكه موافق آثار مع المنونیه
قبول اولتور . درج ایدلین
یازیلر اعاده اولتاز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

آدره من تبدیلندم ایریجه
• غروش کوندرلمیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لری
فرانسجه یازلسی رجا اولتور .

پاره کوندردلکی زمان نهیه
دائر اولدینی بیلدیرلسی
رجا اولتور

اتبعون اهدکم سبیل الرشاد

الشیخ الاسلام

مر ۱۳۳۰

جلد ۲۴

۱۲ حزیران ۱۳۴۰

* پنجشنبه *

۹ ذی القعدة ۱۳۴۲

عدد ۶۰۲

اسرار قرآنه

بِسْمِ اللَّهِ الرَّحْمَنِ الرَّحِيمِ

وَقَالُوا اتَّخَذَ اللَّهُ وَلَدًا سُبْحَانَهُ بَلْ لَّهُ مَا فِي السَّمَوَاتِ
وَالْأَرْضِ كُلٌّ لَهُ قَانُونَ .

مآل شریف :

• نه اولنلر (اهل کتاب) : الله اوغول ایمیندی دیمیلر . او (نک
شاه عظمتی) بوبله شیلردن مقدس دمنلر . بلکه کولرله برده
هره وارده (جمله سی) اولنلر . جمله سی اولنلر .

**

بوندن اولکی یازیلردن جناب حقت کندیسنه ماعداسنک شریک
بیلننه سی مغفرت ایتمدیکی و محسن اولارق ذات اجل واعلاسنه منقاد
اولان کیمسه نکه ده خوف و حزنندن آزاده اولدینی معلوم اولمشدی .
وحدانیت الهیه ایله ذات بارینک عبادت و ربوبیتده انفرادینی اثبات
خصوصنده بو آیات کریمه مترادف اولنجه اهل کتاب ایله مشرکینک بوکی
آیات باهره و ادله بیته قاطعه ایله تجادله ایتمک نتایجندن بریده ،
(وقالت اليهود عن ابن الله وقالت النصارى المسيح ابن الله ذلك قولهم
بافواههم يضاهئون قول الذين كفروا من قبل قاتلهم الله انى يؤفكون)
آیت کریمه سنک دلاتندن مستبان اولدینی اوزره - الله تعالی یه ارکک ویا

قیز اولاد اثبات ایتمه لرندن طولانی بونلرک آله جاریمق و دعوالرینک
درجه قیمتی یوزلرینه اورمق اولمشدر . نته کیم خرسیتانلرک عیسایی ،
یهودی لک ده عنبری ابن الله اعتقاد ایتمه لری شرک صریح نوعنددر .
بونلرک کندیلرینی توحید باری یی امر و ذات اللهدن کرک ربوبیت
و کرک عبادت باینده شرکایی نفی ایدن کتب سبویه اهل اعتقاد ایتمکله
برابر (و یجعلون لله البنات سبحانه ولهم ما يشتهون) مصداقنجه کندیلرینک
ایسته دکلری کبی ارکک اولادی وارکن اللهک قیز اولادی اولدیننه
قائل اولان جهله مشرکینک یولنی طوتمشدر .

دین اسلامک ابراهیم ایله موسی و عیسی و سائر رسل کرام علیهم السلام
خضر اتنک دینی اولدینغی اولجه سویله مشدک . (ان الدین عند الله الاسلام
وما اختلف الذين اتوا الكتاب الا من بعد ما جاءهم العلم بغيا بينهم) .
حضرت مسیحک ابن الله اولدینغه قائل اولمق او قدر سخیف و قوجه
قاری هدیانه او قدر یاقین بر اعتقاددر که شو جاهل نصاری ایله مناقشه
و مجادله یه کیرشمه من بیله همان همان عبث و لغو کیدر . آنجق مبحث
توحیدی اتمام ایچین اولنلرک بعض شبهه لرینی ذکر ایدم جکیزکه بو حریفلرک
عطیه الهیه اولان بونجه ذکالری و بوقدر واسع علملری ایله برابر
اهل فلسفه و زندقه دن اولوب ماده و طبیعتک اوتنه سی منکر اولدقلری
صیق صیق و علناً تکرار ایدوب طورورکن ینه شکلاً و روحاً
خرافاتدن هیچ فرقی اولمایان نیجه اقوال سخیفه یه قائل اولدقلری
معلوم اولسین .

بز بوراده الیوم الده اولان توازت ایله اناجیل معروفه نکه صحیح
ومتواتر و سنده متصل ایله بزه بالغ اولمادقلری حقنده - بزدن اولکیلرکی -
سرد ادله دن و از کچوروز . جدلاً و تنزلاً بو کتابلرک اونلرک اعتقاد

ایتدکاری کی اولدیغنی تسلیم ایدیورز. بویله ایکن عجبا ینه بونلرده تشلیه
واللهک مسیحه پدر اولدیغنه دلالت ایدر برشی وارمیدر؟ مسیح علیه السلام
کندیسی ایچین «ابن الانسان» دیرمش. بز بوتعیبری حواری «قی انجیلینک
یکرمی بوقدر یرنده بولیورز. بوتعیبرک حضرت مسیحک انسا اولدیغندن
باشقه سنه دلالتی اولامیه جنی بدیهیدر.

مع هذا لوقا انجیلک اوچنچي بابنده حضرت مسیحک نسبی بیان
ایدرکن مسیحک ابن یوسف [۱] و آدمک ابن الله اولدیغنی سولیور.
ایشته حواری لوقا مسیح علیه السلام ایچین معروف برانسانک اوغلیدر،
دیمشکن آدم علیه السلام ایچین کندی جنسندن ابوی اولمادیغنی ایچین
«ابن الله» دیور. حال بوکه آدم علیه السلامک متعارف اولان معناه
اللهک اوغلی اولمادیغنی حقنده بوتون نصارانک اجماعی واردر. اوت
انجیلک بر چوق بابلرند «ابن الله» و «ابناء الله» تعییرلی وارد
اولمشدر. بو تعییرلرله اللهک سوکیلیری قصد ایدلمشدر. مثلاً نه
مبارکدر صاحب ایدیچیلر، زیر آنلره اولادالله تسمیه اولنه جقدر. [۱]
عباره سی بوقیلنددر. کذلک یهود ایله مسیح آره سنده جریان ایدن
مکاله ده: «سزیدر کزک عمللریله عمل ایدرسکز. ایمدی آکا بز ولد زنا کل
ایز. بزم بر پدرمن وار، اوده آله در، دیدیلر. عیدی دخی آنلره دبدیکه
اکر آله پدرکز اولسه یدی بنی سور ایدیکز. دنیلیدی کی ایاک
یوحنا رساله سنک ۳ نجی بابنک ۹ نجی آیتده «اللهدن هر طوغمش
اولان کنه ایشلمز. چونکه آنک تخمی آند قالور واللهدن طوغمش
اولدینی اجلدن کنه ایشلیه مز» وینه مذکور رساله ک ۵ نجی بابنده:
«هرکیم که عیسانک مسیح ایدیکنه اینانور ایسه اللهدن طوغمشدر» و:
«اللهک اولادینی سودیکمزی بوندن یعنی اللهی سووب امرلرینی حفظ
ایتدیکمزدن بیلورز» دنیلمشدر.

کذلک «فر سمونیلک ۷ نجی بابنده سلیمان علیه السلام» «ابن الله»
اسمنک ویرلیدی «بن اوکا پدر و او بکا اوغول اولور» عباره سندن
آکلاشیلور.

ینه اشعیا علیه السلامک مناجاتنده بنی مشارالیهک کندیسنه و بنی
اسرائیله اضافه الله «اب» اطلاق ایتدیکی کورولیور: مناجاتک عباره سی
شودر: «وشیمدی یارب سن پدرمنسک» [۳]

آیات سابقه نک کافه سندن ابن کله سندن اهل طاعت و خیار عبادالله
مقصود والله بونلره نظراً اب دینلمه سنک حقیقت دکل، کنایه
اولدینی قولایچه ادراک اولونابیلر. بوکتابلرده الله «یتیمار باباسی»
دنیلیدی ده واردر که مراداللهک یتیملره اولان رأفت و رحمتی و جهله سنه
شامل اولان لطف و احساننی آکلا تمقدر. یوحنا انجیلک ۸ نجی بابنده
حضرت مسیحدن نقلاً روایت ایدیلن «سز آشاغیدن سکز» بن

[۱] یوسف نجار اولاجق. [۲] انجیل متی باب ۵، آیت ۹.

[۳] کتاب اشعیا باب ۶۴، آیت ۸.

یوقاریدن ایم» عباره سی ایله خستیانلرک تمسک ایتهلری جهل و ضلالت
اثریدر. زیرا بوکی سوزلر بزم عواممزلک بیله آراسنده شایع اولمش
کنایاتدندر. زمان اولور که انسان بر قوم و جماعتک ایچندن نشأت ایتدیکی
و جماعتلرندن بر فرد اولدینی حالده قوم و قبیله سنک و همشهریلرینک بعض
افعال و صفاتی بکنمه دیکی ایچون «بن سزدن دکلم» دییه تبری یا قالیشیر.
بناء علیه حضرت مسیحک «بن یوقاریدنم» دیمه سی جاهللرک آکلا دینی
کی سمان ایندم و عالم بشریدن دکلم دیمک اولیسوب حائز اولدینی
عصمت و مکانت حسیلله اللهک اصطلا ایتدیکی اختیارناسدن و بواعتبارایله
صفات و اخلاقه و عقل و عدالتجه ایچنده بولوندینی عالم ظاهریدن
باشقه بر عالمک فرد مختاری اولدیغنی افهام ایچونددر. یوحنا انجیلک ۷ نجی
بابنده کی بیانه نظراً مسیحک کندی تلامیذی حقنده «چونکه اونلر
عالمدن دکلردر» ته کیم بن ده عالمدن دکلم» بویورمسی ده بوکا دلیلدر.
ا کر بو عباره الوهیتی اقتضا ایده یدی مسیح ده، تلامیذی هب عبادته
شایان الهلر اولورلردی.

سیدک ارشادات عالمانسی

عالم مومی الیهک «آلہیات فا کولته» سی رئیس بولماسی ایکی جهتدن
حائز اهمیت عد ایدلمک شایاندر. بری فا کولته نک وضعیت علمیه سی،
دیگری ده طلبه نک استقامت فکریه سی. سیدک اقدی علوم
اسلامیه نک مبادی و مقاصدنی، مبادی ایله مقاصد آره سنده کی ارتباط
و مناسبتلری، مبادی و مقاصدک درجات و مراحلنی، عدد و نوعلرینی
بالفعل کوروب کچیرمش اولمق صورتیله، بیلیر بر ذات قیمتداردر.
مدارس اسلامیه نک قدیم و تاریخی وظائف علمیه سی عهده مسئولیتته
آلمش بولنان آلہیات فا کولته سنک، نه کی برغایه علمیه تعقیب ایتمه سی
لازم کلدیکی و بو غایه هانکی طریق علمی ایله کیدیله بیله جکفی ده
لاقی و جهله مدرکدر. بوخصوصلره عائد نظری، تجربی معلوماتیله،
ریسلسکنی در عهده ایتش اولدینی فا کولته نک شمیدیکی وضعیت علمیه سی
قارشیلان شیرنجی، تصحیح و اصلاحی لزومنه قناعت قطعیه کتیردیکی
شبه سزدر. اوکا، بویله برقناعت علمیه کلش اولماسی، بشقه لرندده،
فا کولته نک وضعیت علمیه سی تصحیح و اصلاحه چالیشه جنی قناعتنی
تولید ایتمشدر. تصحیح و اصلاح تشبثاتنک موفقیتله نتیجه پذیر اوله
جفندده شبه ایدلیور. کیفیتک معقولیتی، طبیعی لکی، بالذات کندیسنک،
واصل اولمق ایسته دیکی نتیجه لره کوره مقدمات منطقیه اخضار ایتک
خصوصنده کی اختصاصی و بو اختصاصدن متولد قدرت اقناعیه سی،
نهایت، حائز بولندینی امن و اعتماد، مالک اولدینی نفوذ و شهرت
و بونلری تنویم ایدن حسن نیتی، تأمین موفقیته کافی کوریلور. فاضل